

CYNGOR CYMUNED CRYMYCH - CRYMYCH COMMUNITY COUNCIL

Clerc: Bethan Williams, 9 Berllan Aur, Boncath, SA37 0AB
cyngorcymunedcrymych@gmail.com / 01239 920180

Cofnodion Cyfarfod 07/09/2023

Pwynt Agenda	Prif drafodaeth	Pwyntiau Gweithredu
1. Croeso ac Ymddiheuriadau	Presennol Aled Johnston, Bill Davies, Cris Tomos (Cadeirydd), Eirlys Twigg, Hywel Lewis, Roger Howells Bethan Williams (Clerc) Ymddiheuriadau Arwel Llywelyn, Iwan Evans, Melony Richards, Robin Davies,	
2. Cofnodion cyfarfod blaenorol – Cynnig ac eilio	Cynigiodd Eirlys eu bod yn gywir, eiliodd Hywel ac fe'u derbyniwyd fel cofnod cywir.	
3. Materion yn codi o'r cofnodion	(i) Arwyddion dim cŵn ar gyfer parc chwarae Maes Meigian • Dydy'r arwydd ddim wedi mynd lan eto • Mae Shôn bant ar hyn o bryd felly bydd angen ei atgoffa am hyn pan fydd e nol	Bethan i ddilyn lan gyda Siôn a'i atgoffa i drefnu gosod arwyddion "dim cŵn"
4. Gohebiaeth	(i) Pembrokeshire Pride • Derbyniwyd llythyr gyda chais i drafod sut gall Pembrokeshire Pride, sy'n cynrychioli pobl LHDTQ+, a'r cyngor gefnogi ei gilydd. • Nodwyd bod y llythyr yn uniaith Saesneg ac wrth ymateb bod angen dweud bod y cyngor yn croesawu gohebiaeth Gymraeg. • Mae'r cyngor cymuned yn cydweithio gyda'r ysgol felly gallwn ni awgrymu bod Pembrokeshire Pride yn cydweithio gyda'r ysgol;	

(iv) Apel Cerflun Twm Carnabwth

- Yn dilyn ein hymateb i lythyr blaenorol gyda chais am gyfraniad at adeiladu cerflun i goffau Twm Carnabwth daeth yr ymateb isod.
- Nodwyd eto y bydd y cerflun y tu fas i'r sir yn ogystal â ward Crymych.
- Mae'r cyngor cymuned yn derbyn praesept blynyddol gan drigolion y ward felly mae elusennau, mudiadau, clybiau a phrosiectau o fewn y ward ac sy'n gwasanaethu'r bobl sy'n talu'r praespept sy'n cael blaenoriaeth.
- Cytunwyd i ymateb i'r llythyr diweddaraf yn nodi hyn ac yn dymuno'n dda i'r ymgyrch.

Helo Bethan,

Rwy'n siomedig iawn i ddeall nad yw cynghorwyr Cyngor Cymuned Crymych yn gweld yn dda i roi cefnogaeth ariannol ar hyn o bryd, i godi cerflun i Twm Carnabwth lawr yr hewl yn Efailwen.

Mae angen i ni godi swm cychwynnol o £10,000 cyn gallwn ymgeisio am grantie, felly byddaf yn gwerthfawrogi os alle'r cynghorwyr ystyried cefnogi ein cais am nawdd ariannol, nawr os gweli'n dda.

Mae'n ymddangos fod nifer o bobol / busnese / cymdeithase ac ati, yn dala nol cyn anfon cyfraniad ariannol atom, er mwyn cael sicrwydd bydd y prosiect yn mynd yn ei flaen.

Petai pawb yn gweithredu yn y modd hyn, bydde ddim gobaith gennym i fwrw mlan o gwbl.

Rydym wedi llwyddo i godi ychydig dros £5.000 erbyn hyn, felly wedi croesi hanner ffordd tuag at y nod.

Bethan i drefnu llythyr yn ymateb

	<i>Edrychaf ymlaen i glywed wrthoch yn fuan.</i> <i>Diolch a chofion,</i>	
5. Tai Bach Crymych	• Mae'r toiledau i fod i gloi yn awtomatig am 7pm ond doedden nhw ddim wedi cloi am sawl noson ac aeth pobl i mewn a thaflu papur tŷ bach gwlyb ar nenfwd y tai bach a rhwygo'r handlen ar gyfer pobl anabl o'r wal. • Mae'r tai bach ar glo am y tro felly, nes bod y clo wedi ei drwsio er mwyn iddo gloi am 7pm bob nos eto, a bod handlen newydd wedi ei rhoi wrth y tŷ bach. Mae Steve Edwards yn aros am glo newydd, pan fydd hwnnw ganddo bydd e'n trwsio popeth a bydd y tai bach yn gallu agor eto. • Does neb yn gwybod pwy wnaeth ond mae'r heddlu wedi cael gwybod ac yn ymchwilio i weld a oes recordiad CCTV o'r ardal. • Does dim camera wrth y tŷ bach ar hyn o bryd ond mae gyda ni gamera allai gael ei osod i wyllo'r ardal tu fas, gydag arwydd i ddweud bod CCTV yn recordio. • Cytunwyd i roi nodyn ar facebook i esbonio pam bod y tai bach ar gau a nodi siom bod rhywrai wedi fandaleiddio'r tŷ bach. • Nodwyd hefyd nad yw'r arhosfa bws yn cael ei lanhau, bod sbwriel yno a seddi ddim yn ddigon glân i eistedd arnyn nhw. • Y Cyngor Sir sydd biau'r arhosfa bws felly mae angen codi'r mater gyda Shôn.	Cris i roi nodyn ar facebook i ddweud pam bod y tŷ bach ar gau Bethan i gysylltu Shon i ofyn iddo fe drefnu bod y cyngor yn glanhau'r arhosfa bws ac yn gwagio'r bin yno.
6. Coed ar yr A487	• Mae rhywun wedi cysylltu i ddweud bod coeden yn edrych fel petai Ash Dieback arni.	Bethan i ail-godi'r mater gyda Shôn a gofyn iddo fe drefnu bod y cyngor yn edrych ar y goeden

	• Bydd angen gofyn i Shôn edrych i'r mater a gofyn i dîm Ash Dieback y cyngor i edrych ar y goeden a thorri unrhyw goeden sydd ei hangen.	
7. Cynllunio	(i) Datblygiad Preswyl: Tir ger Green Acre, Crymmych • Mae cais cynllunio llawn wedi ei gyflwyno. • Wnaeth y cyngor cymuned ddim gwrthwynebu'r cais ymgynghorol felly cytunwyd nad oes gwrthwynebiad ac nad oes angen cyflwyno ymateb pellach. (ii) Newid adeilad mas yn gartref: Cidigill Isaf, Blaenffos • Mae cais cynllunio llawn wedi ei gyflwyno. • Wnaeth y cyngor cymuned ddim gwrthwynebu'r cais ymgynghorol gan nad yw'r safle yn agos at dai. • Cytunwyd nad oes gwrthwynebiad ac nad oes angen cyflwyno ymateb pellach.	
8. Ariannol	• Roedd £25,028.55 yn y banc ddiwedd mis Gorffennaf • Roedd £28,344.93 yn y banc ddiwedd mis Awst • Rydyn ni'n talu am drydan i Sied Dynion Hermon, bydd y cyngor cymuned yn dal i dalu'r biliau, gan eu bod nhw'n gwneud gwaith trwsio yn y ward. • Cytunwyd i rannu biliau trydan gyda Sied Dynion Hermon, er mwyn iddyn nhw wybod faint sy'n cael ei wario ond bod y cyngor cymuned yn awyddus i gydnabod y gwaith da sy'n cael ei wneud. • Mae angen dilyn lan y taliad am rhent canolfan gwastraff Hermon. • Mae rhywun newydd wedi symud i Waunfelen ac am ddefnyddio'r tir mae'r cyngor biau yno, felly mae angen cysylltu gyda nhw i ddweud mai'r cyngor sydd biau'r tir a chytuno ar bris	Bethan i ddilyn lan taliad rhent gan y cyngor

	rhent gyda nhw. • Mae gan Arwyn Rees bapurau â'r holl wybodaeth am asedau'r cyngor cymuned i gyd. • Mae angen trefnu ei dynnu e fel ymddiriedolwr Cronfa Beni Edwards hefyd, ac ychwanegu Aled ac Arwel	Cris i alw yn Waunfelen Bethan i drefnu cael y papur gan Arwyn ac i newid ymddiriedolwyr Cronfa Beni Edwards
9. UFA	(i) Ymddiriedolaeth Tai Cymunedol • Mae 4 erw o dir ar gael ar y ffordd mas o Grymych tuag at Hermon â chanitad cynllunio amlinellol arno ar werth. • Byddai'n bosibl i Ymddiriedolaeth Tai Cymunedol brynu'r tir i adeiladu tai i bobl leol arno. • Mae angen sefydlu'r Ymddiriedolaeth Tai trwy benodi o leiaf tri chyfarwyddwr, agor cyfri banc a chytuno ar gyfansoddiad. • Roedd yr arian grant a ddaeth ar gyfer creu ymddiriedolaeth tai yn yr ardal yn grant er mwyn hyrwyddo'r Gymraeg felly byddai hynny'n ystyriaeth wrth benodi cyfarwyddwyr. • Ar ôl sefydlu'r Ymddiriedolaeth Tai bydd modd iddo geisio am grantiau ar gyfer tir fel hyn. • Mae Aled Harries yn mynd i wneud map o dopograffeg y tir gan ddefnyddio rhywfaint o arian y grant. (ii) Cyfarfod Gweithio'n Well Gyda'n Gilydd • Mae hwn yn gyfarfod i gynghorau tref a chymuned rannu gwybodaeth, trafod ac ati. Aeth Aled a Cris i'r cyfarfod diweddaraf. • Roedd uno cynghorau sir yn bwnc mawr a drafodwyd. Mae'r Cyngor Sir yn trafod lleihau nifer y cynghorau sir o 77 i 56 ar hyn o bryd. • Nodwyd hefyd bod rhan fwya'r cynghorwyr presennol wedi eu hethol yn ddiwrthwynebiad. (iii) Halen • Mae sôn bod cwmni Mansel Davies wedi colli'r cytundeb i gadw a dosbarthu halen, ac mai'r bwriad yw i halen ddod yn	

	uniongyrchol o Hwlfordd. Gallai hynny olygu bod gyrwyr loris grito yr ardal yn gorfod mynd i Hwlfordd i gasglu halen er mwyn dod nol i'w roi ar rewlydd. • Does dim gwybodaeth swyddogol wedi dod am hyn ond byddai'n bryder gan na fyddai stoc o halen mewn ardaloedd cefn gwlad, byddai ardaloedd gwledig yn cael llai o flaenoriaeth eto felly. • Cytunwyd bod angen dweud wrth Shôn bod rhywun wedi codi pryder gyda ni ac i ofyn iddo wneud ymholiadau gyda'r cyngor.	Bethan i gysylltu gyda Shôn i'w holi am unrhyw wybodaeth am y bwriad i beidio cadw halen yn lleol
10. Dyddiad a Lleoliad y Cyfarfod Nesaf	7.30, nos Iau Hydref 5 Llyfrgell Crymymch	